

Tajuk : UNIMAS lancer Minggu Seni, Kebudayaan dan Warisan Ke-8

UNIMAS lancar Minggu Seni, Kebudayaan dan Warisan Ke-8

KOTA SAMARAHAN: Universiti Malaysia Sarawak (UNIMAS) semalam melancarkan Minggu Seni, Kebudayaan dan Warisan Ke-8 bertemakan ‘Kesantunan Budaya Cermin Warisan Bangsa’ anjuran pelajar Fakulti Seni Gunaan dan Kreatif (FSGK).

Dekan FSGK Profesor Dr Hasnizam Abdul Wahid berkata tema tahun ini mencerminkan kesopanan dan peradaban rakyat Malaysia yang menjadi faktor penting keharmonian di negara yang berbilang kaum dan agama.

Katanya objektif utama

Minggu Seni, Kebudayaan dan Warisan adalah untuk mendedahkan pelajar fakulti untuk menjadi kreatif dan inovatif dalam pengurusan acara dengan mempraktikkan pembelajaran.

Selain itu ia membolehkan mereka bergaul dan berkomunikasi dengan rakan-rakan industri berkaitan, jelasnya.

Sehubungan itu, beliau berharap pelajar-pelajar akan terlibat secara aktif dan bekerja secara berkumpulan untuk menjayakan acara ini.

Selari dengan tema berkenaan, Hasnizam berkata kepelbagaiannya kaum dan agama

menggambarkan keunikan rakyat Malaysia dan berharap acara tahunan ini dapat menyumbang kepada pemuliharaan kesenian, kebudayaan dan warisan rakyat.

Orang awam dijemput memeriahkan acara ini yang antaranya mengandungi aktiviti-aktiviti menarik seperti pameran, lukisan potret, demonstrasi kraf tangan, permainan tradisional serta pertunjukan fesyen dan muzik.

Untuk maklumat lanjut mengenai Minggu Seni, Kebudayaan dan Warisan, sila hubungi Penggerusi Acara Dr Noria Tugang di talian 082-581343.



SIMBOLIK: Hasnizam menandatangani plak sewaktu pelancaran di Panggung Eksperimen Kampus Barat UNIMAS di Kota Samarahan, semalam.